



Khamni (phari)?

Ker tuke kire COVID-19 vaksine

E COVID-19 vaksiniacija si zoraleste rekomendime e khamne (phare) thaj e ćućidavne źuvljange

E COVID-19 vaksine save kerdon pe ando o Kidindo Thagaripe (UK) sikavdile te aven efektivne thaj te avel len laćho garavimasko (protekcijako) profilo. Vastno (importa, vaźno) si te keres tuke kire COVID-19 vaksiniacije te garaves (protektis) tut thaj kire bebes.

E COVID-19 vaksiniacija ando o khamnipe (pharipe)

O Joint Committee on Vaccination and Immunisation (JCVI) akana gogida kaj e khamne (phare) źuvlja si ando majbaro risiko andar zoralo COVID-19 nasvalipe. Von palpale phenen e khamne (phare) źuvljange te keren peske COVID-19 vaksine sogodi majsigo řaj. Von ni trubul te majpalpalin e vaksiniacija źikana von bijanen. Kadava si te garavel (protektis) len thaj lenge bebetonen. Ando o Kidindo Thagaripe (UK), majbut katar e 100,000 khamne (phare) źuvlja sas vaksinirime embut e Pfizer thaj e Moderna vaksinenca thaj len si len laćho garavimasko (protekcijako) profilo.

E vaksinen naj len andre źuvdo coronavirus thaj nařti infektirin ekhe khamne (phare) źuvlja aj lake bibijande bebes ando o per.

Dovodo vař e COVID-19 vaksine si lungjarneste kontrolirime katar e World Health Organization (WHO) thaj e regulatorne statora (telave) ando o Kidindo Thagaripe (UK), ande e Amerikake Kidinde Statuta (USA), Kanada thaj Europa.

E Pfizer thaj e Moderna vaksine si e majmangle (preferime) vaksine e khamne (phare) źuvljange pe sisave berřa kon len te keren peske e ekhto (purvo) doza.

Sakoeħ kon astarda e vaksiniacija thaj si dindi ekħ dujto doza źikana si khamni (phari), trubul te kerel peske e dujto doza e ekhsave vaksinasade (numa, ferdi, samo) len te sas len seriozno rigalo efekto palal e keripe e ekhtone (purvone) dozako.

Arakh majbut andar o khamnipe (pharipe), ćućidipe, ćhavokeripe thaj coronavirus (COVID-19) vaksiniacija pe o NHS uebsajto

Soske man trubul man e vaksina te me sem khamni?

Te tut si tut o COVID-19 nasvalipe ando majpaluno khamnipe, tu thaj kiro bibijano bebe san ando majbaro risiko andar seriozno nasvalipe kas ka trubul len nasvalinako (spitako) sastaravipe, thaj intenzivno samadimasko (grizako) dumodipe (źutipe, pomoźipe). Informacija andar o Kidindo Thagaripe (UK) sikavda kaj pařal sakoeħ khamni (phari) źuvli kas si la o COVID-19 nasvalipe thaj kas trubuja la nasvalinako (spitako) sastaravipe aj intenzivno samadipe (griza), ni sas vaksinirime. Sasteste o risiko tuke thaj kire neve bebeske andar o COVID-19 nasvalipe si cikno ama vov majbarilo desari sas e ekhto (purvo) rednjava andar o COVID-19.

E COVID-19 vaksine savi si kerde ando khamnipe (pharipe) den ekħ uće nivelura andar o garavipe (protekcija) mamujal o nasvalipe. Si kuraźodindi informacija kaj e COVID-19 vaksine si sigurne thaj řaj kerdon pe khamne (phare) źuvljange ando o Kidindo Thagaripe (UK), thaj i aver thema (phuvja).

Vastno (importa, vaźno) si kaj tu san garavdi (protektime) sa kire vaksinake dozenca te aves tu thaj kiro bebe garavde. Na ařugar te keres tuke e vaksina palal te bijanes.

Khamne (phare) źuvlja kas si len seriozne sastimaske problemura si ando majbaro risiko te dukħcirden andar seriozne COVID-19 problemura.

Riskoske faktorja khamne (phare) źuvljange

Te tut si tut serizone sastimaske problemura sar e :

- imunake problemura
- diabeto
- ućho rat
- ilesko nasvalipe
- astma

Aj te tu san

- upral e normalne kilogramura
- upral 35-e berřengo
- ande kiro trito khamnimasko (pharimasko) trimestero (upral 28 kurke)
- andar e kale aj azianone manuřengi etnikani komuna
- aj aćhes bivaksinirime aj san kotoraleste vaksinirime

Tu san majbut ando risiko kozom (sode, keci, kobor) źuvlja kon si pe ekhsave berřa thaj kon naj khamne (phare).

So kadava čhanil mange?

Te khamnjos (ačhes phari)

Ni trubul te našes katar kadava te khamnjos palal te keres tuke e COVID-19 vaksine.

Naj dovodo kaj e COVID-19 vaksinen si len sisavo efekto upral o čhavokeripe aj upral kire šansura te khamnjos (aches phari).

Te tu san khamni (phari)

E COVID-19 vaksine den khamne (phare) žuvljan em o lačo garavipe (protekcija) mamujal o COVID-19 nasvalipe savo šaj avel seriozno ande aver khamnimata khajekhe (varesave) žuvljange.

E ekhto (purvo) doza andar e COVID-19 vaksina ka del tut ekh lačo garavipe (protekcija). Tu trubul te keres tuke e duj andar kire doze ande lengi vrjama te šaj les em lačo šajdo garavipe (protekcija). Tu trubul te keres tuke kiri dujto doza katar 8 ži ka 12 kurke palal kiri ekhta (purvo) doza. Tu ni trubul te palpališ kadaja dujto doza. Te tu palpališardan kiri vaksinacija sisave kauzake, ker kire vaksinacije sogodi šaj majsigo.

Te tu kerdan tuke e ekhto doza andar e COVID-19 vaksina bi te dukhčirdes sisave seriozne rigale efektura, tu šaj keres tuke kiri dujto doza e ekhsave vaksinasa kana kadaja šaj kerdol pe.

Te kiri ekhto (purvo) doza sas e AstraZeneca vaksina tu trubul te gogisares upral e informacija ande kadava buletino www.gov.uk/government/publications/covid-19-vaccination-and-blood-clotting.

Booster vaksine

Khamne (phare) žuvlja si kaulificirime te keren peske e booster vaksina, 12 kurke palal peski dujto doza. E booster doza savi si dindi šaj avel Pfizer aj Moderna vaksine.

Nisave vaksine si 100% efektivne ta kadaleske si vastno (importantno, važno) te lungjavos te keres so phenel o akanutno nacionalno informativno buletino.

Te gares tut thaj kire familija, amalen thaj kolegonen, tu TRUBUL inke (važe):

- kajte si gogidindo phirav maska
- thov kire vasta lače thaj butivar (butdroma)
- putar džamura te mukhes šuži (frešo) phur (airo) te del andre
- ker so phenel o [akanutno informativno buletino](#)

Čučidipe

O avantažo (benefito, fajdava) andar o čučidipe si lače žanglo.

O JVCI rekomendisarda kaj e vaksine šaj aven kerde i maškar o čučidipe. Kadava si ando ekh gindo e rekomendacijenca katar e Amerikake Kidinde Štatura (USA) thaj e World Health Organization.

Sar sa e draba (medikamentura), e vaksine šaj anen normalne rigale efektura. Šaj avel dumodavno (žutisardo, pomožindo) te sigurul pe kaj tu žanes so te ašugjares palal tu keres tuke e vaksine, specialno te tu bijandan kire bebes aj si tut aver čhave kas tu samades (grizades).

Kamas tutar te gines (drabares, četis) o buletino 'so te ašugjares palal kiri COVID vaksinacija' www.gov.uk/government/publications/covid-19-vaccination-what-to-expect-after-vaccination.

E Royal College Obstreticians and Gynaecologists (RCOG) thaj e Royal College of Midwives (RCM) si len decizijakerimasko buletino thaj aver informacija savi tu šaj arakhes dumodavni andar e COVID-19 vaksine thaj o khamnipe (rcog.org.uk – www.rcm.org.uk/guidance-for-pregnant-women).

Te tu kames te dumades andar e COVID-19 vaksinacija kamas tutar te kontaktiris kire akušera, sastarvnes (doktoros), aj medikane asistenta.

Na palpali te keres tuke e vaksinacija palal te bijanes, ker vrjama te les em o lačo garavipe (protekcija) savo amen si amen mamujal o COVID-19 nasvalipe tuke thaj kire bebeske.

Vaksinacija savi dumodel te gravel kadalen kon si embut kovle (vulnerabilne).



Kadava buletino si kerdo ando braille, sar video ando BSL, baro printo, sar audio fajlo thaj ande 27 čhiba, kamas tutar te žas ka www.healthpublications.gov.uk te fuljares aj komandis kopija akana. Aj akhar 0300 123 1002 te des kiri komanda.